

悟徹韶華六已通能將一已會飄蓬閑閑不用焚香火得得何
須看教風好把靈明開遠近便令性曜出西東投真換假光輝
至步步蓮花接上宮

邢公問七十二歲修行可否

便如百歲未爲遲只在心中換過時今世不能全了達來生應
許做修持臨行一點須搜正收取三光亦復隨只是投新遺舊
舍能除新舍得靈芝

示學道人

修行只被巧心多卻把金剛喚阿姪外貌人前誇俊雅內容目
下愈蹉跎性中難以開金訣真理焉能悟玉科枉把妻男空棄
捨將來罪業看如何

道藏輯要

重陽全真集

四

上門集一

贈柳蔣張夷仲

爲受張良講道經便遊勝景得清冷足穿水石通漣路面瞰雲
山展畫屏萬戶人家三島瑩百般花草一般馨我今回首公休
怪卻趁中南碧洞庭

春雨

一澤如膏賀太平天垂蔭祐洽民情行雲作蓋三光射和氣呈
祥萬彙生滌出慧心尤寂靜洗開道眼愈分明攜筇便踏雲霄
路請箇清閑倒玉觥

訓愚魯